

Диктант

Лезгинский язык - 9 класс

Гъайванрин уьмуьр.

Шумуд йисуз кац яшамиш жеда? Кац къад йисуз къван амукъда, анжах садан уьмуьр къанни ц1ек1уьд йисав къван агакъна. Киц1ер ц1емуьжуьд-къад йисуз яшамиш жеда. Балк1анрин уьмуьр яхц1урни ц1уд йисуз къван давам жеда. К1валин гъайванрин яш тайинарун четин туш. Абурун уьмуьр инсанрихъ галаз физва.

Асланрин, пеленгрин, китрин, гъуьлуьн киц1ерин, лекьерин, дурнайрин яш гъик1 чирда? Вагъши гъайванрин уьмуьр гъар са камуна хаталуди я ва фад телеф хьун мумкин я. Гъавилай къуьзуь жедалди абурукай т1имилбур амукъзава . Вагъши гъайванрин яш анжах зоопаркра, питомникра ва я заповедникра тайинариз жеда.

Виридалайни яргъи уьмуьр хъалхъас хъипрез ава. Абур саки къве виш йисуз къван яшамиш жезва. Филер къудкъад-виш йисуз яшамиш жезва. Къушарикай пехьерин уьмуьрдин йисар пудкъанни ц1удав, лекьерин вишдав агакъда. Туьтуькъушар вишни яхц1урни ц1удалай т1имил тушиз йисара яшариш жеда. Балугърикай анжах угордин йисар яхц1урни ц1уругудав, зеркальный карпдин яхц1урни иридав агакъда. (133 гаф)